

**Pirs** : Çi peywendiyên te bi dengbêjên kurd re hene?

**Bersiv** : Bi hemiyên re hene, û ez dixwazim tim yekîtiya wan hebe .

**Pirs** : Weke kî ?.

**Bersiv** : Nûlîfer Iqbal bimin re wek duwîto çêkir , min bi kurmancî û wê bi zazakî stirand .Herweha min û Heqî Segvan di /91/ ê de dema koçberiya kurdên kurdistanê başûr .

**Pirs** : Stiran û awazên te gelo tu datîni yan hin hene arîkariya te dikin?

**Bersiv** : Hene arîkariya min dikin , wek Ebbas Ehmed – peywan Arjîn – Heqî Segvan .

**Pirs** : Di nav van rewşên em tede derbas dibin, tu stirana kurdî û paşeroja wê çawa dibîni? .

**Bersiv** : Di demekê de, me guh nedida gotinê , tenê me dixwest em bistirînin, lê îro em xweşik guh didine naveroka van gotinan , ji ber wilo jî ez dibînim stirana kurdî bi pêşve diçe û wê pêşve here . ji ber ku kurd guh didine hunerê. Li Ewropa Kurdin hene pera didin ji bo dengê keça xwe bidne qebûlîkirin , ew jî guh didin mûzîkê .

**Pirs** : Tu çawa satelaytên kurdî dibîni, û rola wan di pêşxistina huner û filoklora kurdî de?

**Bersiv** : Dem dema propagandiyê ye û rola wan gelekî pêwîste di belavkirina koltûra kurdî de .

**Pirs** : Dibêjin mûzîka kurdî bi dayikê re tê, tu çawa dibîni? .

**Bersiv** : Erê raste , ji ber kurd bûne û derd bi wan re ye, û bi zîqezîqa dergûşê re, dayika kurd gelek derdê xwe vala dike .

**Pirs** : Bandora kê ji dengbêjê kurd li te heye? .

**Bersiv** : Ya tevan li min heye . Şivan – Mihemed Şêxo – Hesên Cezrawî ,

her yek ji wan bi regekî

**Pirs** : kî ji wan nêzikî dilê te ye .

**Bersiv** : Şivan, ewî kehreba kurda ya vemirtî pêxist û gavek mezin da .

**Pirs** : Mûzîk û sazên biyanî ta bi çi radeyê bandora wê li te heye? .

**Bersiv** : Ji berê de min li xulyo îliya guhdarî dikir û niha ez guhdariya / cikoka / dikim ew jî dengbêjekî Inglîzî ye, Rok distirîne .

**Pirs** : Nifşên nû ji dengbêjên kurd . tu çi ji wan re di bêtî :

**Bersiv** : Mûzîk sînora jêre nîne bi çi awayî tu bibîne baş e, gerek tu lêdî . eger baş be wê pêşkeve . gereke mirov ji tiştên nû netirse .

**Pirs** : Hunermendê paşerojê tu kê dibîni :

**Bersiv** : Ez nikarim kesî binav bikim . yê baş ewê her tim li pêş be.

**Pirs** : Gelek stiranên te navê cî û deverên welêt tede hene . ta bi çi radeyê bandora welêt li te heye .

**Bersiv** : Ez têr nabim gava li ser millet û welêt nebêjim . ez tim dibêjim: em masiyê bejê ne ,em li wirin lê hiş û ramana me li vir e , em tu carî van cî û deveran jibîr nakin , çimkî ew dîroka me ye .

**Pirs** : Bi yek gotinê li ser van dengbêjan bi axive .

**Şivan** : Hunermend û şoreşgêre .

**Mihemed Şêxo** : dibistane .

Aram Dîgran : kalkê hunermenda ye .

Gulîstan : ewê karîbû perdê ji pêşiya keça kurd hilên .

Ciwan Haco : li berxwedan û stirana nû bire serî .

**Pirs** : Eger tu ne hunermend bane tê çi ba?

**Bersiv** : Ezî şoreşger bama .

**Pirs** : Berî dawî, rûpela Newrozê ji te re ye, tê çi bêtî ?